



**CONVENIO DE COLABORACIÓN ENTRE O INSTITUTO ENERXÉTICO DE GALICIA (INEGA) E A REAL ACADEMIA GALEGA DE CIENCIAS (RAGC) PARA O DESENVOLVEMENTO DO CURSO "RETOS TECNOLÓXICOS NA PRODUCCIÓN E ALMACENAMENTO DE ENERXÍAS RENOVABLES"**

**REUNIDOS**

Dunha parte, Pablo Fernández Vila, en nome e representación do Instituto Enerxético de Galicia, en adiante INEGA, con domicilio na rúa Avelino Pousa Antelo, nº 5, 15703- Santiago de Compostela, e na súa calidade de directora deste, cargo para o que foi nomeado polo Decreto 95/2022, do 9 de xuño, facendo uso das facultades do seu cargo e das que lle foron conferidas en virtude das atribucións que lle confire a Resolución do 10 de marzo de 2017 pola que se delegan competencias atribuídas á persoa titular da Presidencia da axencia Inega (DOG núm. 60, do 27 de marzo).

Doutra parte, Juan Manuel Lema Rodicio, presidente da Real Academia Galega de Ciencias (RAGC), entidade con CIF Q-1568010-A, de conformidade coas competencias establecidas no artigo 33.2 a) dos seus estatutos, aprobados polo Consello da Xunta de Galicia o 11 de abril de 2019 (Resolución da Secretaría Xeral Técnica da Consellería de Economía, Emprego e Industria, pola que se lle dá publicidade ao Acordo do Consello da Xunta de Galicia polo que se modifican os estatutos da Real Academia Galega de Ciencias, publicado no *Diario Oficial de Galicia* (DOG) núm. 86, de 7 de maio de 2019).

As partes comparecentes recoñécense entre si capacidade xurídica suficiente e poder abondo para abrigarse neste convenio e, para tal efecto

**EXPOÑEN**

Primeiro.- Que o Inega é unha entidade instrumental do sector público autonómico con personalidade xurídica e patrimonio de seu para o cumprimento dos seus fins que se constitúe en Axencia por Decreto 142/2016, do 22 de setembro, mantendo a súa adscrición a Consellería competente en materia de enerxía, conforme ao establecido na Lei 3/1999, do 11 de marzo e entre os seus fins están "o fomento, impulso e realización de iniciativas e programas de actuación para a investigación, o estudo e o apoio das actuacións de coñecemento, desenvolvemento e aplicación das tecnoloxías enerxéticas, incluídas as renovables, a mellora do aforro e a eficiencia enerxética, o fomento do uso racional das enerxías e, en xeral, a óptima xestión dos recursos enerxéticos dos distintos sectores económicos de Galicia, así como a participación





na xestión e prestación, se é o caso, de servizos noutros campos sinérxicos ao enerxético, de acordo coas directrices do goberno no ámbito das súas competencias".

Que para o exercicio axeitado das súas funcións, o Inega pode establecer convenios e contratos con institucións públicas ou privadas, así como colaborar con outras Administracións para favorecer a adopción de medidas de aforro, de racionalización na produción, distribución e subministración de enerxía (art. 5 da Lei 3/1999).

**Segundo.-** A RAGC é unha corporación científica de dereito público, sen ánimo de lucro, dotada de personalidade xurídica e capacidade de obrar que ten como un dos seus obxectivos básicos fomentar a investigación, o estudo e a divulgación das Ciencias e das súas aplicacións e a incorporación do coñecemento científico á sociedade como coadxuvante do desenvolvemento socio-económico.

**Terceiro.-** A Lei 9/2007, de 13 de xuño, de subvencións de Galicia, prevé a concesión directa de subvencións cando se acrediten razón de interese público, social, económico, humanitario ou outras debidamente xustificadas que dificulten a súa convocatoria. Neste caso, as razóns as que alude a devandita disposición normativa enténdense acreditadas por tratarse dunha asociación sen ánimo de lucro, que está interesada en asegurar a axeitada difusión e divulgación das tecnoloxías relacionadas coa produción e almacenamento de enerxías renovables para a súa aplicación e aproveitamento nos diferentes sectores de actividade da nosa sociedade ó obxecto de adecualos ós actuais procesos de transición enerxética e descarbonización, desenvolvendo un curso no que se aborde os "retos tecnolóxicos na produción e almacenamento de enerxías renovables", co fin de garantir a posta a disposición de información pública relevante e actualizada das tecnoloxías relacionadas coa transición enerxética e a descarbonización.

Por todo isto, as partes acordan subscribir este convenio de colaboración, de acordo coas seguintes

## CLÁUSULAS

### PRIMEIRA. OBXECTO

O presente convenio ten por obxecto regular as condicións de cooperación entre o INEGA e a RAGC para a realización do curso "Retos tecnolóxicos na produción e almacenamento de enerxías renovables".

### SEGUNDA. OBRIGACIÓNS DA RAGC

1 Realizar un curso de formación sobre "Retos tecnolóxicos na produción e almacenamento de enerxías renovables.





O programa orientativo do curso e o orzamento figura no anexo I a este convenio.

2. Deseño do contido do curso.
3. Elaboración da documentación da actuación e facilitarlle copia ao Inega.
4. Elección do profesorado e achegar todos os medios persoais, técnicos e materiais que permitan a realización da actividade formativa e impartición dos contidos.
5. Entregar un informe final das actuacións realizadas co seguinte contido mínimo:
  - a. Programa Final do curso.
  - b. Número de asistentes presenciais e virtuais.
  - c. Formadores. Listado de Formadores e relatores empregados (Currículo)
  - d. Lugar de celebración do curso.
  - e. Material de apoio a formación e as outras accións. Manual e documentación empregada.
  - f. En todas as actividades realizaranse fotografías das xornadas nas que se vexa de xeito xeral os alumnos e poñentes así como a publicidade da orixe dos fondos.

6. De conformidade co establecido nos artigos 11 e 14 k) e j) da Lei 9 /2007, do 13 de xuño, de subvencións de Galicia, son obrigas da RAGC as seguintes:

- a. Cumprir o obxectivo, executar o proxecto, realizar a actividade ou adoptar o comportamento que fundamenta a sinatura do presente convenio.
- b. Xustificar ante o Inega o cumprimento dos requisitos e condicións, así como a realización da actividade e o cumprimento da finalidade que determine a concesión da axuda.
- c. Someterse ás actuacións de comprobación a efectuar polo Inega, así como a calquera outra actuación, sexa de comprobación e control financeiro, que poidan realizar os órganos de control competentes, tanto autonómicos coma estatais ou comunitarios, achegando canta información lle sexa requirida no exercicio das actuacións anteriores.
- d. Comunicar ao Inega a obtención de subvencións, axudas, ingresos ou recursos que financien a actividade obxecto do presente convenio, así como a modificación das circunstancias que tivesen fundamentado a súa sinatura. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada aos fondos percibidos.
- e. Acreditar con anterioridade ao outorgamento da axuda que se atopa ao corrente no cumprimento das súas abrigas tributarias e fronte á Seguridade Social e que non ten pendente de pago ningunha outra débeda coa administración pública da Comunidade Autónoma, na forma que se determine regulamentariamente.





f. Dispor dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario, coa finalidade de garantir o adecuado exercicio das facultades de comprobación e control.

g. Dar publicidade do financiamento por parte do Inega do investimento que se subvenciona, consistente en incluír a imaxe institucional do Inega e da Xunta de Galicia nos carteis, Placas conmemorativas, materiais impresos, medios electrónicos audiovisuais, ou ben en mencións realizadas nos medios de comunicación.

h. Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

i. Proceder ao reintegro dos fondos percibidos nos supostos considerados no artigo 33 da Lei 9/2007, do 13 de xuño de subvencións de Galicia.

j. Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas no exercicio das súas funcións de fiscalización e control do destino das subvencións.

k. Subministrar toda a información necesaria para que a Consellería poida dar cumprimento ás obrigas previstas no Título I da Lei 1/2016, do 18 de xaneiro, de transferencia e bo goberno. As consecuencias do incumprimento desta obriga serán as establecidas no artigo 4.4 da devandita lei.

### **TERCEIRA. CONTÍA DA AXUDA**

Para o desenvolvemento do obxecto do presente Convenio, o Inega achegará a cantidade de 2.000,00 € do seu orzamento de gastos para o ano 2022, con cargo a aplicación orzamentaria **06.A3.733A.445.0**.

### **CUARTA. XUSTIFICACIÓN E PAGAMENTO**

1. O pagamento á RAGC farase nun único pagamento de 2.000,00 €, que se efectuará previa xustificación en forma e prazo das actuacións realizadas e a súa comprobación polo persoal do Inega.

2. A xustificación das actuacións realizarase antes do 15 de decembro de 2022.

3. Coa conta xustificativa do gasto deberá achegarse xustificantes de pagamento ou calquera outro documento con validez xurídica que permita acreditar o cumprimento do obxecto da subvención pública.

Serán subvencionables os gastos en que se incorra con posterioridade a sinatura do convenio e estes acreditaranse mediante facturas e demais documentos de valor probatorio equivalente con validez no tráfico xurídico mercantil ou con





eficacia administrativa, nos termos establecidos regulamentariamente. O aboamento das facturas efectuarase dentro do prazo de 60 días seguintes a data de recepción da mesma.

4. Coa conta xustificativa de gasto a RAGC deberá achegar:

- a. Unha declaración na que se indique as axudas solicitadas ou recibidas para a mesma finalidade.
- b. Os certificados de que se atopa ao corrente no cumprimento das súas obrigas tributarias e fronte á Seguridade Social e que non ten pendente de pago ningunha outra débeda coa administración pública da Comunidade Autónoma.
- c. Documento emitido pola entidade bancaria no que conste o número de conta (C.C.C.) a nome do beneficiario.

5. O Inega resérvase o dereito de solicitar toda a documentación que considere precisa, en relación coa xustificación do cumprimento do obxectivo do convenio.

#### **QUINTA. MODIFICACIÓN**

Toda alteración das condicións tidas en conta para a sinatura deste convenio, e, en todo caso, a obtención doutras axudas ou subvencións outorgadas por outras administracións ou entes públicos ou privados, nacionais ou internacionais, poderá dar lugar á modificación do convenio.

#### **SEXTA. REINTEGRO DA SUBVENCIÓN**

Calquera incumprimento do establecido no presente convenio, das obrigas dos beneficiarios que sinala o artigo 11 da Lei 9/2007, do 13 de xuño, de subvencións de Galicia, a achega de documentación fraudulenta ou a desviación do obxecto do gasto a fins distintos dos estipulados neste Convenio, darán lugar á resolución convenio, coa obriga de reintegro parcial ou total das cantidades percibidas ata o momento tal e como establece o artigo 33 e seguintes da Lei 9/2007, do 13 de xuño, de subvencións de Galicia e a través do procedemento establecido polo artigo 37 e seguintes da mesma Lei.

#### **SÉTIMA. SUBCONTRATACIÓN**

Para o desenvolvemento desta actuación a RAGC efectuará as subcontratacións precisas de acordo co disposto no artigo 27 da Lei 9/2007, do 13 de xuño, de subvencións de Galicia.

#### **OITAVA. CONCORRENCIA CON OUTRAS SUBVENCIÓNS PÚBLICAS**

Para a execución das actuacións previstas neste convenio poderanse percibir outras axudas, subvencións ou recursos destinados a mesma finalidade, procedentes de calquera administración ou entes públicos ou privados, nacionais, da Unión Europea ou de Organismos internacionais sempre que o conxunto de axudas obtidas non supere o 100% do gasto elixible.





O incumprimento do disposto neste artigo considerarase alteración das condicións tidas en conta para a concesión da axuda e poderá dar lugar á modificación da resolución da concesión.

#### **NOVENA. VIXENCIA**

O presente convenio entrará en vigor ao día seguinte ao da súa sinatura e terá vixencia ata o 30 de decembro de 2022.

#### **DECIMA. INEXISTENCIA DE RELACIÓN LABORAL**

A subscrición deste convenio non supón ningunha relación laboral contractual ou de calquera outro tipo entre os profesionais da RAGC que vaian a desenvolver as actividades e o Inega, de tal xeito que non se lle pode esixir á entidade pública ningunha responsabilidade polos actos ou feitos acontecidos no seu desenvolvemento.

#### **DECIMO PRIMEIRA. COMISIÓN DE SEGUIMIENTO**

Coa finalidade de asegurar a correcta execución deste convenio constituirase, de común acordo entre as partes, unha Comisión de Seguimento, que estará composta por un representante de cada unha das partes asinantes, que terá como misión velar pola correcta aplicación e desenvolvemento do convenio.

#### **DECIMO SEGUNDA. PROTECCIÓN DE DATOS**

As partes están obrigadas a cumprir coas normas sobre a protección de datos de carácter persoal, en concreto, co disposto na Lei Orgánica 3/2018, de 5 de decembro, de Protección de datos persoais e garantía dos dereitos dixitais, e Regulamento (UE) 2016/679 do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación destes datos, e polo que se derroga a Directiva 95/45/CE.

Os asinantes manifestan o seu consentimento ou autorización para que os seus datos persoais que constan no presente convenio e mailo resto das especificacións contidas no mesmo, podan ser publicados no Portal de Transparencia e Goberno Aberto."

#### **DÉCIMO TERCEIRA.- PUBLICIDADE**

En canto á publicidade, procederase de conformidade co mandato da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia e no Decreto 132/2006 do 27 de xullo, de creación dos rexistros de axudas, subvencións e convenios, e de sancións da Xunta de Galicia.





#### DECIMO CUARTA. CAUSAS DE RESOLUCIÓN

Serán causas de resolución do convenio procedendo o reintegro, total ou parcial, da axuda percibida e dos xuros de mora correspondentes as determinadas no artigo 33 da Lei 9/2007, de 13 de xuño.

En especial, serán causas de resolución do presente convenio as seguintes:

- a. O transcurso do prazo de vixencia establecido sen que se leve a cabo o obxecto do mesmo.
- b. O mutuo acordo entre as partes.
- c. A imposibilidade sobrevida para o cumprimento dos termos do presente acordo.
- d. A denuncia de calquera das partes formulada por escrito con quince días de antelación.
- e. O incumprimento total ou parcial dalgunha das súas cláusulas.

#### DECIMO QUINTA. NATUREZA E RÉXIME XURÍDICO

O presente convenio ten natureza administrativa, quedando fóra do ámbito de aplicación da Lei 9/2017, do 8 de novembro, de contratos do sector público; sen prexuízo da aplicación dos principios e criterios da devandita Lei para resolver as dúbidas ou lagoas que puidesen presentar.

Este convenio o ter carácter administrativo todas as diferenzas que poidan xurdir entre o Inega e a RAGC, en relación coas cuestións controvertidas non resoltas no seno da comisión de seguimento, someteranse ao coñecemento da xurisdición contencioso-administrativa.

O presente convenio rexerese polas súas cláusulas e polo Acordo do Consello da Xunta do 27 de marzo de 1991, publicado por Resolución da Consellería de Economía e Facenda do 8 de Abril de 1991, sobre convenios de colaboración con outros entes públicos e con particulares, así como polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno; pola Lei 38/2003, do 17 de novembro, xeral de subvencións e o Real Decreto 887/2006, do 21 de xullo, polo que se aproba o Regulamento da devandita Lei; pola Lei 9/2007 de 13 de xuño, de subvencións públicas e o resto da normativa de aplicación.

E en proba de conformidade, asínase o presente convenio de colaboración, na data indicada na sinatura electrónica.

O director do Inega

O presidente da RAGC

Pablo Fernández Vila

Juan Manuel Lema Rodicio





## Anexo I: Programa do curso e orzamento

Celebraranse catro seminarios entre o 27 e o 30 de xuño, en sesións de 4 horas, nas cidades da Coruña, Ferrol e Santiago de Compostela.

O proxecto desenvolverase baixo o seguinte programa:

### **Seminario 1. Estratexias Enerxéticas**

*Día 27 de xuño de 2022*

*Pazo de San Roque. R/San Roque, n° 2*

*Santiago de Compostela*

*17:00 Presentación do curso.*

*17:15 A estratexia española de enerxías renovables.*

*18:00 A senda enerxética de Galicia.*

*18:45 Pausa-café*

*19:15 O estado actual das enerxías renovables en Galicia*

*20:00 Debate*

*20:30 Fin da xornada*

### **Seminario 2. Enerxía solar fotovoltaica. Enerxía da Biomasa. Almacenamento enerxético.**

*Día 28 de xuño de 2022.*

*Pazo de San Roque. R/San Roque, n° 2*

*Santiago de Compostela*

*17:00 Presentación da xornada*

*17:15 Retos tecnolóxicos na produción de enerxía solar fotovoltaica*

*18:00 Enerxía da biomasa.*

*18:45 Pausa-café*

*19:15 Alternativas para o almacenamento da enerxía*

*20:00 Proxecto industrial*

*20:15 Debate*

*20:30 Fin da xornada*

### **Seminario 3. Enerxía eólica. Enerxías do mar.**

*Día 29 de xuño de 2022.*

*Salón de Actos Concepción Arenal. Universidade da Coruña*

*Ferrol*

*17:00 Presentación da xornada*

*17:15 Retos tecnolóxicos no campo da enerxía eólica*

*18:00 Introducción á eólica mariña flotante e o seu marco normativo en España.*

*18:45 Pausa-café*

*19:15 As enerxías do mar*

*20:00 Proxecto industrial*

*20:15 Debate*

*20:30 Fin da xornada*





**Seminario 4. Hidróxeno verde e Biometano**

*Día 30 de xuño de 2022.*

*Salón de actos de Autoridade Portuaria da Coruña.*

*A Coruña*

*17:00 Presentación da xornada*

17:15 Retos tecnolóxicos na produción de hidróxeno verde

18:00 Retos para a produción de biometano

18:45 Pausa-café

19:15 Xeración e usos dos gases renovables de orixe biolóxica

20:00 Proxecto industrial

20:15 Debate

20:30 Fin da xornada

**ORZAMENTO**

O orzamento do curso ascende a 20.100 €.

Esta partida cobre dos honorarios dos relatores e dirección do curso, os custos de organización, de viaxe e estadía dos relatores, deseños gráficos, edición do libro e impresión, o aluguer das salas, difusión e retransmisión telemática segundo se desglosa no cadro adxunto.

	Precio/Udade.	Udade.	
Conferencias	300	12	3.600
Dirección	600	1	600
Organización	3.500	1	3.500
Deseños e imprenta	3.000	1	3.000
Café networking	4	500	2.000
Aluguer de locais	500	2	1.000
Difusión	3.000	1	3.000
Transmisión telemática	500	4	2.000
Desprazamento e estadía relatores	4	350	1.400
		<b>TOTAL</b>	<b>20.100</b>

